



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

URED GENERALNOG SEKRETARA

Broj: 01-5-03-3-1146-3/25
Sarajevo, 31.10.2025. godine

MINISTARSTVO KOMUNIKACIJA I TRANSPORTA
BOSNE I HERCEGOVINE

N/r G-din Edin Forto, ministar

PREDMET: Održavanje sastanaka Mješovite komisije za transport sa Republikom Republikom Crnom Gorom, Republikom Hrvatskom, Republikom Srbijom, Republikom Sjevernom Makedonijom i Republikom Slovenijom, – prijedlozi.

Poštovani gospodine Ministre,

Na osnovu informacije Ministarstva komunikacija i transporta Bosne i Hercegovine, zaprimljenih dana 28.10.2025.godine putem email-a, u kojem se traže prijedlozi Vanjskotrgovinske komore Bosne i Hercegovine, a provedenih postupaka u skladu sa aktima Vanjskotrgovinske komore Bosne i Hercegovine, predlažu se sljedeća **pitanja iz oblasti prijevoza putnika** za predstojeći sastanak Mješovite komisije za cestovni transport između Bosne i Hercegovine i:

- **Republike Crne Gore**

Predlaže se:

- a) Reciprocitet u primjeni obračuna PDV-a,
- b) Riješiti problematiku pri usklađivanju redova vožnje kod prigovara crnogorskih prevoznika na dolazno vrijeme bosanskohercegovačkih linija u Crnu Goru,

- **Republike Srbije**

Predlaže se:

- a) Rešavanje problema sa autobuskom stanicom Beograd koji imaju svi prevoznici iz BiH;
- b) Promjenu metodologije plaćanja PDV-a, kako bi se ubrzao proces i smanjile greške pri obračunu PDV-a ili recipročno ukidanje primjene.
- c) Usklađivanje redova vožnje po principu koji primjenjujemo sa ostalim državama, odnosno da se ne usklađuje vrijeme dolaska u Srbiju
- d) Pogranične linije sa Republikom Srbijom potrebno je da zadrže dosadašnji " poseban" sastav, kao što je regulisano u prethodnim Mješovitim komisijama tj. da se postojeći redovi vožnje ovjeravaju od strane oba Ministarstva;

- **Republike Sjeverne Makedonije**

Predlaže se:

- a) Ukidanje posjedovanja tranzitnih dozvola za naizmjenični prevoz.

- **Republika Hrvatska**

Predlaže se:

- a) Usaglašavanje odredbi za primjenu Interbus protokola -način buduće uspostave linija između Bosne i Hercegovine i Hrvatske



U oblasti prijevoza tereta, Odbor udruženja međunarodnih cestovnih prijevoznika tereta Vanjskotrgovinske komore Bosne i Hercegovine je usvojio sljedeće prijedloge tema za pregovore na sastanku Mješovite komisije za cestovni prijevoz između Bosne i Hercegovine i:

- **Crna Gora, Republika Srbija i Republika Sjeverna Makedonija**

- a) Predlaže se, po uzoru na uspješan bilateralni model suradnje sa Sjevernom Makedonijom, da se započne proces liberalizacije i potpunog ukidanja dozvola za međunarodni transport sa Republikom Srbijom i Crnom Gorom.
- b) Ovim bi se poslala snažna poruka o stvaranju jedinstvenog i nesmetanog WB6 okvira bez prepreka, sa slobodnim protokom robe, putnika i usluga kao temeljem zajedničkog regionalnog tržišta.
- c) Liberalizacija obuhvaća: ukidanje svih dozvola, ubrzavanje graničnih procedura i stvaranje pretpostavki za zajedničko obraćanje Europskoj komisiji o statusu WB6 prostora kao jedinstvenog tržišta.

- **Republika Hrvatska**

- a) predlaže ukidanje dozvola sa svoje strane, bez uslovljavanja, u duhu dobre volje i uz očekivanje reciprociteta,
- b) Predlaže se, primjena Istambulske konvencije i omogućavanje transporta izmjenjivih sudova – da vučna vozila sa tablicama BiH mogu prevoziti poluprikolice sa hrvatskim i drugim tablicama i obrnuto, radi efikasnosti i smanjenja praznih vožnji (CO₂ redukcija).
- c) Predlaže se definiranje koridora olakšanog kretanja prema južnim pravcima iz Slovenije preko Hrvatske (pravac Lisjak–Rupa), s ciljem bržeg pristupa lukama i intermodalnim čvorištima.

- **Republika Slovenija**

- a) Predlaže ukidanje dozvola sa svoje strane, bez uslovljavanja, u duhu dobre volje i uz očekivanje reciprociteta.
- b) Delegacija BiH obavještava da je pokrenuta procedura povrata PDV-a za slovenske prijevoznike, po principu uzajamnosti – zvaničnim dopisom Ministarstva financija i trezora BiH.
- c) Predlaže se primjena Istambulske konvencije i omogućavanje transporta izmjenjivih sudova – da vučna vozila sa tablicama BiH mogu prevoziti poluprikolice sa slovenskim tablicama i obrnuto, radi efikasnosti i smanjenja praznih vožnji (CO₂ redukcija).

- Predlaže se također i;

Zajednički apel Europskoj komisiji i institucijama EU

Delegacije zemalja regije, u ime kabinskog osoblja – profesionalnih vozača i transportnih operatera Zapadnog Balkana, upućuju zajedničko pitanje i apel:

Da li će kabinsko osoblje cestovnih prijevoznika biti izuzeto iz Schengenskih pravila o boravku? Ukoliko je odgovor negativan, predlaže se uvođenje višekratnih radnih viza za kategoriju profesionalnih vozača sa rokom važenja pet (5) godina, koje bi omogućile obavljanje poslova bez primjene odredbi o boravku. Time bi se priznala činjenica da vozači ne borave u zemljama EU, već rade u skladu sa AETR pravilima, Direktivom 2003/59/EZ i Uredbom (EZ) 1071/2009.

Profesionalni vozači iz regije posjeduju sve licence, periodične obuke, ugovore o radu i vozila EURO 6 norme, te u potpunosti ispunjavaju zahtjeve EU standarda. Bez njihovog rada, europski i balkanski lanci snabdijevanja staju – što bi dovelo do poremećaja u trgovini, logistici i osnovnim tokovima roba. Stoga se, apeluje da Europska komisija donese odgovornu, pravednu i održivu odluku, kojom će Zapadni Balkan biti priznat kao ravnopravan partner, a ne prostor radne eksploatacije.

Također, predlažemo da u sastavu delegacije Bosne i Hercegovine budu uključeni sljedeći predstavnici:

- **Smiljka Žuža**, sekretar Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine.
- **Ivana Tanacković**, potpredsjednik Udruženja prijevoznika u međunarodnom i međuentitetskom cestovnom prijevozu putnika Vanjskotrgovinske komore Bosne i Hercegovine.
- **Žarko Brković**, predsjednik Udruženja međunarodnih cestovnih prijevoznika tereta Vanjskotrgovinske komore Bosne i Hercegovine,
- **Muamer Berbić**, potpredsjednik Udruženja međunarodnih cestovnih prijevoznika tereta Vanjskotrgovinske komore Bosne i Hercegovine,
- **Miroslav Biljaka**, član Odbora Udruženja međunarodnih cestovnih prijevoznika tereta Vanjskotrgovinske komore Bosne i Hercegovine,
- **Zijad Šarić**, član Odbora Udruženja međunarodnih cestovnih prijevoznika tereta Vanjskotrgovinske komore Bosne i Hercegovine,
- **Siniša Blatešić**, član Odbora Udruženja međunarodnih cestovnih prijevoznika tereta Vanjskotrgovinske komore Bosne i Hercegovine,
- **Velibor Peulić**, predstavnik Konzorcija Logistika BiH.

U očekivanju prihvatanja iznesenih prijedloga, unaprijed Vam zahvaljujem i srdačno Vas pozdravljam.

S poštovanjem,

GENERALNI SEKRETAR

Mirko Bošković



Dostavljeno:

- Naslovu,
- a/a